

Frå Grendahuset Ljosheim
v/Anna Sveinungsdotter Bergo
5728 Eidslandet

Til Vaksdal kommune
v/ Bygdeutviklingsutvalet
att: Tore Henrik Øye
5722 Dalekvam

Eksingedalen, 10.februar 2021

Søknad om midlar til takvøla på grendahuset Ljosheim i Eksingedalen

Husastyret for Grendahuset Ljosheim (org. Nr 922703108) søker med dette Vaksdal kommune om kr. 150.000,- i bygdeutviklingsmidlar til omvøla av taket på grendahuset vårt.

Grendahuset Ljosheim er eit frivillig lag som skal arbeida for å sikra drift og vedlikehald av Ljosheim, til beste for innbyggjarane i bygda; jfr. vedlagte vedtekter. Ljosheim er sams bygdeieiga til sams bruk for ibuarane i Eksingedalen. Alle i bygda har lik rett til å bruka huset mot å betale fastsett leige.

Grendahuset er oppført som verneverdig i kommunen sin kulturminneplan, og er eit vakkert kulturminne der den opprinnelege delen er i tidstypisk dragestil. Husastyret for Ljosheim arbeider iherdig for å ta att det store etterslepet av heilt naudsynt vedlikehald, bevaringstiltak og oppgradering av bygningen. Dei siste to åra er det gjort vesentlege oppgraderingar, m.a. er det lagt nytt golv i begge salane, dei gamle og brannfarlege vedomnane er skifta ut og begge pipeløpa er brannsikra. Taklekkasjane er tetta midlertidig, med støtte frå m.a. Kulturminnefondet. Det pågår eit arbeid no med oppgradering og reparasjon av toalettområdet/gangen, og det skal installerast nye innerdører i ein stil som passar huset. Stiftelsen Uni, Kulturminnefondet, Vestland fylkeskommune, lokal kronerulling og mange dugnadstimar frå bygdefolket har finansiert det vesentlegaste av arbeidet som er utført til no. <https://www.facebook.com/grendahusetljoshim>

Totalt kostnadsoverslag for heile omvøla av grendahuset er om lag kr.1.800.000,-

Det viktigaste framover er likevel den store omvøla som må til på taket. Denne er heilt nødvendig, og klart det mest kostnadskrevjande enkeltprosjektet.

På den opprinnelege delen av huset kjenner ein ikkje til at det har vore gjort noko med taket sidan huset var nytt i 1897. Bygningsingeniøren har konkludert med at heile taket må demonterast, skadane må reparerast (med ny papp/ nye lekter/omspikring av takstein) og øydelagte takstein må bytast ut. Dette er ei omfattande sak både økonomisk og arbeidsmessig. Budsjettet er på 750.000 kroner. Posten for «uføresett» er sett noko høgt avdi me er usikre på kva for «overraskingar» som dukkar opp når arbeidet tek til.

Stiftelsen Uni har løyvd 100.000 kroner til taket, og Vestenfjelske Bykreditt har løyvd 200.000. Inkludert dugnad har me 390.000 i sikker finansiering så langt.

*Grendahuset Ljosheim, stifta 1897. Adr: Eksingedalsvegen 1080, 5728 Eidslandet.
Org. nr: 922703108. Kontonummer: 3480.17.52650*

Men det trengst meir finansiering for å kunne setja i gang dette arbeidet, og me vonar på tildeling av bygdeutviklingsmidlar.

Me søker også andre instansar, td. har me søkt Kulturrådet i tillegg til bygdeutviklingsmidlar. Budsjettet er vedlagt.

I 2022 er Ljosheim 125 år, og me har som mål at huset skal vera ferdig rehabilitert til jubileet. Me vonar Vaksdal kommune vil vera med på laget!

Med venleg helsing Grendahuset Ljosheim

Anna Sveinungsdotter Bergo

Leiar Husastyret

Vedlegg:

- Vedtekter
- Prosjektplan
- Budsjett og finansieringsplan for takvøla
- Rapport frå tømrrar etter gjennomførte strakstiltak